

廣
釋
名



叢書集成

初編

主編者
王雲五

商務印書館發行



廣 釋 名



3 0649 1273 0

張 金 吾 學

本館叢書集成初編所選
知不足齋叢書粵雅堂叢
書皆收有此書知不足本
在先故據以影印並附粵
雅本伍崇曜跋於後

083

112

2:1159

廣釋名序

鎮洋畢湘蘅尚書與江處士叔灃取劉氏釋名參校異同是正繆誤有釋名疏證之刻於原書義例埤埒猶未盡善也每怪范史無劉熙名唯劉珍傳云珍纂釋名三十篇辨萬物之稱號今釋名僅二十七篇而有亡篇若併之宜合三十篇之數珍與熙豈卽一人歟又吳志韋昭傳昭所上辭言見劉熙所作釋名信多佳者然物類衆多難得詳究故時有得失因作辨釋名一卷薛綜程秉等傳或從熙學或與熙考論大義見諸載籍彰彰如

是寧得以范史無傳而疑之耶故陳振孫書錄解題馬
端臨文獻通考皆云漢徵士北海劉熙字成國成國是
書實與許叔重說文解字竝爲漢人小學之祖顧爲說
文之學代不乏人而羽翼釋名者頗尠此昭文張子月
霄所以有廣釋名之作也張子家庭濡染學有本原少
小治經卽以訓詁爲重於釋名用力尤勤六書竝列獨
主諧聲得制字之義也採書以漢爲限疆界之嚴也依
類推之增所未載補原書之罅漏也引逸書至百二十
種旣徵援據之博且有功於亡佚也非好學深思心知

其意又能實事求是何以臻此哉不寧唯是張子治經之外兼攬藝文於歷代作者靡不蒐討方有金文最之輯蓋本公羊傳會猶最之意言其薈萃之富也昔姚氏鉉有唐文粹呂氏祖謙有宋文鑑蘇氏天爵有元文類程氏敏政有明文衡皆採入四庫獨金源之文闕如每以爲憾今張子成之行當上邀

乙覽下惠藝林爲姚呂諸家嗣音而與元裕之中州集共垂不朽矣張子年方壯他日見聞彌擴著錄遞增則廣釋名一書其卽爲羣書之嚆矢乎

嘉慶戊寅武進趙懷玉序

古小學之書說文爾雅方言外唯劉氏釋名僅存其書
雅俗兼通義數並舉與爾雅方言尤相似顧爾雅義主
釋經方言旨在通俗釋名義例蓋在二者之間其所詳
略自敘所稱論敘指歸義自有在非有關漏也及門張
子月霄嗜學好古於小學中尤善釋名謂古人制字象
形指事外諧聲爲多故字從聲肇義以聲生凡字體不
根於聲者僞體也字義不本於聲者假義也漢人具有
師傳故毛鄭諸儒訓詁多主諧聲讀釋名一書斯義尤
著因於治經之暇博覽羣籍自諸經傳注及諸子緯侯

一句一義有與釋名相類者倣其例廣之得書二卷問
序於余觀其書比類相從雜而不越又采輯斷自漢代
體例亦極謹嚴殆有合於劉氏所云凡有未備智者以
類求之之意俾古音古義之難通者或悉有所攷焉其
出於世之餽訂剽拾之學遠矣是爲序

嘉慶癸酉十月朔友生黃廷鑑書

嘉慶丁丑之二月子在京師叨陪鉉佐從弟月霄函其
撰集廣釋名二卷寓書屬序子既喜月霄嗜古窮經專
攻小學或懼儒生偏長爲類及讀黃君琴六之序稱其
比類相從雜而不越信斯言也固無賴乎吾序張之而
後傳也雖然予獨異月霄盛年醇質無人事於外宜發
揮爲應舉文字簡練揣摩合有司之尺度迺歲伏家術
寢靡乎漢氏羣儒訓故退勇守一窮年矻矻若將終身
焉者自非實有所得於中其烏能浸淫勤篤而不以爲
病邪昔柳宗直編西漢文類其從兄子厚爲序稱道甚

美以予學殖荒落何敢竊比子厚願尋念西漢文類祕
殊鴻寶冊類兔園要是杜元凱善文之末爾若月霄杞
菟蠹簡剔抉枯竹萃逸典於儒墨采異義於經讖補苴
罅漏不遺餘力允足爲成國功臣斯其過宗直所爲遠
矣抑予聞之訓詁者著述之根柢也小學者六藝之津
逮也勗旃月霄尚其邁征益弗懈勉卒懋脩克臻通經
致用以發名成業是又予之所厚望焉兄大鏞鹿樵甫
序

自序

漢劉君成國著釋名二十七篇從音求義多以同聲相諧其自序云凡所不載亦欲智者以類求之金吾治經之服芴及小學讀其書陳義爾雅訓辭典奧古音古義賴斯僅存然如釋親屬而不及夫釋樂器而不及琴釋周弁夏收而尋則缺釋秦晉吳越而蜀不載誠有如序所云未能究備者至若星散也辰伸也其說孤而無證不若從說文解字星訓精辰訓震之爲得也姊積也妹昧也其說鑿而難通不若從白虎通義姊訓咨妹訓末

之爲得也歲越也年進也不若訓遂訓仍之聲更相協也未昧也酉秀也不若訓味訓老之說更精確也山產也河下也不若如說題辭訓宣訓荷之爲善也江公也濟濟也不若如尚書大傳訓貢訓齊之爲善也州注也不若如殊也疇也之訓爲善也豫豫也不若如舒也序也之訓爲善也水波揚爲揚州不若厥性輕揚之說爲善也在幽昧爲幽州不若其氣深要之說爲善也取充水以爲名不若以充訓信之爲善也取營室以爲名不若以營訓平之爲善也心之言任心之言柢較所識纖

微之說爲善也弁之言樊弁之言槃較兩手相合之訓
爲善也斧爲甫不若如斧之言捕之爲善也鐘爲空不
若如鐘之言動之爲善也旌有精光不若如精進士卒
之爲善也戰恭爲旃不若如旃表士衆之爲善也棺關
也不若訓完之爲善也樞究也不若訓久之爲善也他
若名之言鳴名之言命則義得兩通亭之言留亭之言
定則說可竝存易含三義必須合簡易變易不易而其
說始備詩有三解必須合志也持也承也而其義始全
金吾不揆禱昧輒輯諸經傳注及諸子緯候等書凡劉

君所及見者就原分二十七篇之目依類廣之俾未載者既網羅前訓而得其指歸已載者亦博考羣書而備其訓釋于以成劉氏之志亦未必非小學之一助云

嘉慶甲戌夏五月昭文張金吾序

例言

一是書凡原書未釋如東風日暨已釋而訓解有異如

顛也或訓同義異如笛訓滌原書作其聲滌滌是書及

推闡未盡者如易也變易也俱輯周秦兩漢之書以廣

之故名曰廣釋名若兩書訓釋互異如說文解字天訓

類中加一曰或又字以貫之

一是書專採劉氏以前暨同時諸儒著述故所輯訓詁

斷自漢止若鄭小同鄭志撰者雖已入魏以其所述皆

鄭君及諸弟子問答之辭故亦採入

一先秦兩漢諸書什不存一其佚文散見他說者一字

一句罔非瓌寶今就十三經注疏及北堂書鈔

係虞永
興原本

未經陳禹謨剛改
者與俗本迥異

太平御覽等書所引苟有與釋名相

類者悉依類採入一以明詁訓一以存佚亡也計引逸

書一百二十餘種俱注明出處以便覆檢若白虎通義

通俗通義等書其書雖存而缺佚不少今凡他書所引

而今本所闕者俱注明引見某書某卷

一尚書孔傳孝經孔傳鄭注暨家語孔叢子服虔通俗

文

顏氏家訓云虔是漢人其敘乃引魏人蘇林張
揖晉中經簿及七志竝無其目竟不得知誰制

等書

託名雖在劉氏前或與劉氏同時然有出自後儒者有
來從洋舶者未敢盡信姑置不錄若毛漸之古三墳書
豐坊之詩傳詩說吾衍之晉乘禱杙其僞夫人而知不
復具論

一子夏易傳有三本劉向七略易傳子夏韓氏嬰也阮
孝緒七錄子夏易六卷或云韓嬰作或云丁寬作荀勗

中經簿子夏傳四卷或云丁寬

俱見唐會要

此唐以前本李

氏集解陸氏釋文所引者是也唐末有張弧者僞撰子
夏易傳則崇文總目晁氏讀書志所著錄困學紀聞所

稱引者是也若今世行本則又係後人僞託不但非韓嬰丁寬書亦并非張弧書矣茲就集解釋文所引者採入一二條餘並不錄

一東漢俗尚識緯習爲內學原書如日實也月闕也雲暈也俱本緯書之說故是書所採緯書較詳

一是書多以同聲相諧第古今音異清濁輕重往往不合如元命包以易訓地白虎通以戮訓簫似與諧聲不協蓋古雉夷地三字同音易平聲卽夷故地可訓易簫夙肅得聲簫肅戮三字古音相近故簫可訓戮鄭康成

論語季氏注曰蕭之爲言肅也春秋說題辭曰祿之言消也
以戮訓簫卽以消訓祿則古音相近可知他皆倣此
一是書援引訓詁擇善而從如爾雅釋水小洲曰隋疏
引李巡曰四方皆有水中央獨可居一切經音義十四
引作四方有水獨高可處蓋渚處聲相近因人可處故
名曰渚爾雅疏云云失諧聲之義矣又如續漢書祭祀
志注引風俗通義曰岱者胎也蓋岱胎聲相近故以胎
訓岱爾雅釋詁胎始也今本誤胎爲始訓解雖同與諧
聲不協矣凡此之類皆擇其義勝者錄之

一是書援引訓詁有假借者如農者濃也風俗通釋神

農之農而此以釋農夫之農者則以皇氏

論語子路疏

之以

濃訓農也書者舒也援神契釋書契之書而此以釋尚

書之書者則以孔氏

尚書序正義

之以舒訓書也論之言倫

也鄭箋釋鍾鼓之有倫理而此以釋論語之論者則以

皇氏

論語義疏序

之以倫訓論也訓雖假借實確詁也餘皆

視此

一是書體例次序一依原書閒有小異者如親屬釋及

嫁娶媒妁言語釋及君臣朝覲蓋以無類可歸故連及

之非故爲異同也若黍稷宜入五穀而列飲食圭璋宜入禮器而列書契者則以原書有釋黍引見太平御覽今本缺釋笏二條故依類廣之

一是書稱引先儒伏生稱生毛公稱公賈馬鄭許薛稱君餘俱稱氏不敢斥其名也孟子有劉向劉熙注子政稱字成國稱氏以別之

一魏晉後諸儒訓詁有與釋名極相類者如爾雅釋文引晉太康地記釋揚州日以揚州漸太陽位天氣奮揚履正含文明故取名焉之類擬作續釋名以附

其後

廣釋名 例言

廣釋名援引書目

周易

毛詩

儀禮

周禮

禮記

逸禮

左傳

公羊傳

穀梁傳

中庸

孟子

爾雅

子夏易傳

周易孟喜章句

周易京房章句

周易馬融傳

周易鄭康成注

鄭康成易贊

鄭康成易論

周易荀爽注

詩序

孟仲子詩論

詩毛亨詁訓傳

毛詩鄭康成箋

鄭康成詩譜

魯詩

韓詩

韓嬰韓詩外傳

韓詩薛漢章句

伏勝尚書大傳

鄭康成尚書大傳注

尚書歐陽高章句

劉歆洪範五行傳

鄭康成洪範五行傳注

尚書馬融注

尚書鄭康成注

鄭康成書贊

儀禮馬融注

儀禮鄭康成注

鄭康成儀禮目錄

周禮鄭興解詁

周禮鄭眾解詁

周禮杜子春注

周禮賈逵解詁

周禮馬融注

周禮鄭康成注

大戴禮記

禮親屬記

禮別名記

禮記盧植注

禮記鄭康成注

叔孫通漢禮器制度

戴聖石渠禮論

鄭康成魯禮禘祫志

月令蔡邕章句

蔡邕月令論

董仲舒春秋繁露

左傳鄭眾章句

左傳賈逵解詁

左傳延篤注

左傳穎容釋例

左傳服虔解詁

公羊傳何休注

論語包咸章句

論語鄭康成注

孟子劉向注

孟子劉熙注

孟子趙岐注

爾雅犍爲舍人注

爾雅李巡注

爾雅樊光注

孝經魏文侯傳

劉向五經通義

劉向五經要義

許慎五經異義

鄭康成駁五經異義

鄭康成六藝論

鄭小同鄭志

李斯蒼頡篇

司馬相如凡將篇

三蒼

楊雄方言

杜林蒼頡訓詁

許慎說文解字

樊恭廣蒼

釋名逸句

蔡邕琴操

國語

國語賈逵注

國策劉向序

國策高誘注

班固白虎通義

逸周書

吳越春秋

越絕書

世本

史記

漢書

漢書服虔注

漢書應劭集解

劉向七略

應劭風俗通義

衛宏漢舊儀

王隆漢官篇

應劭漢官儀

胡廣漢官解詁

胡廣漢制度

蔡質漢官典職

馬第伯封禪儀記

董巴輿服志

劉向列女傳曹大家注

蔡邕獨斷

山海經

應劭地理風俗記

應劭十二州記

管子

莊子

荀子

韓非子

六韜

司馬穰苴司馬法

隨巢子

尸子

墨子

鷓冠子

秦越人八十一難經

呂氏春秋

呂氏春秋高誘注

賈誼新書

淮南子

淮南子許慎注

淮南子高誘注

劉向說苑

楊雄太元

楊雄法言

桓譚新論

桓寬鹽鐵論

王充論衡

荀悅申鑒

徐幹中論

汜勝之書

黃帝星經

張衡靈憲

劉歆三統歷

楚詞

楚詞王逸注

易乾鑿度

尚書中侯稷起

書璿璣玠

詩推度災

詩含神霧

禮含文嘉

樂動聲儀

春秋元命包

春秋說題辭

春秋說題辭宋衷注

春秋考異郵

春秋文耀鉤

春秋運斗樞

春秋感精符

春秋合誠圖

春秋演孔圖孔衷注

孝經援神契

孝經雌雄圖

河圖括地象

河圖帝通紀

書名無考

董仲舒

王朔

武帝時為太史待詔見開元占經九

十二引東方朔別傳

衛宏

杜林

張衡

盧植

服虔

應劭

穎容

劉熙

蔡邕

荀悅

姓氏無考

尚書詁訓

漢書舊注

相玉書

廣釋名目錄

卷一

釋天

釋地

釋山

釋水

釋丘

釋道

釋州國

釋形體

釋姿容

釋長幼

釋親屬

釋言語

釋飲食

釋彩帛

卷二

釋首飾

釋衣服

釋宮室

釋牀帳

釋書契

釋典藝

釋用器

釋樂器

釋兵

釋車

釋船

釋疾病

釋喪制

廣釋名卷一

昭文張金吾學

釋天

天顛也至高無上

許君說文解字一部

天之言瑱

毛詩君子偕老孔氏正義引春

秋元

命包一曰天之為言鎮也居高理下為人鎮也

班氏白虎通義

故其字一大以鎮之也

爾雅釋天陸氏釋文引春秋說題辭

天神曰神

呂覽

順民高氏注

神者伸也

王氏論衡論死

又申也

應氏風俗通義怪神

信也

風俗通義

皇

一曰引出萬物者也

說文解字示部

日之為言節也含一開度立節使物咸別故謂之日言

陽布散合如一故其立字四合共一者為日開元占經五引春秋

元命包

暘日出也說文解字日部暘者陽也論衡寒溫

星之為言精也陽之精也陽精為日日分為星太平御覽五引

春秋說題辭川德布精上為星玉海一引河圖括地象萬物之精上為

列星說文解字晶部星也者體生于地精成于天開元占經一引張氏靈憲

一曰星晴也毛詩定之方中釋文引韓詩

風之為言萌也其立字虫動于几中者為風太平御覽九引春秋

考異

東風曰條風

淮南子地形

條者達生也

太平御覽九引春秋考異郵

西方曰閶闔風

說文解字風部

閶者倡也

史記天官書

東南曰清明風

說文解字風部

清明者青芒也

白虎通義八風

一曰精

芒挫收

太平御覽九引春秋考異郵

春之為言猶僂僂也

董氏春秋繁露陽尊陰卑

言僂僂動也

白虎通義五行

一曰春出也物之出也

藝文類聚三引伏生尚書大傳

秋之為言愁

鄭君曰讀為摯

也愁之以時察守義者也

禮記鄉飲酒義

秋者愁也萬物愁而入也

太平御覽二十四引尚書大傳

一曰秋之為

言猶湫湫也

春秋繁露陽尊陰卑

又就也

文選秋興賦李氏注引劉氏釋名逸句

物

皆成象而就也

楊氏太元九

又肅也萬物莫不肅敬恭莊也

蕭氏五行大義一引尸子

冬之為言中也中者藏也

禮記鄉飲酒義

物方藏于中也

藝文類聚

三引尚書大傳

十月為陽時坤用事嫌于無陽故名此月為陽

毛詩采薇鄭君

箋

唐虞曰載

爾雅釋天

言一歲莫不覆載故曰載也

蔡氏獨一

曰載之言成也載成萬物也

白虎通義四時

夏曰歲

爾雅釋天

歲之

為言遂也

太平御覽十七引春秋元命包

周曰年

爾雅釋天

年者仍也

白虎通義

四時

棋復其時也

說文解字禾部

五行者欲言為天行氣之義也

白虎通義五行

木之為言觸也陽氣動躍觸地而出也

禮記月令正義引白虎通義

又曰木之為言牧也

白虎通義情性

木味酸酸者鑽也萬物應

陽鑽地而出

呂覽孟春紀注

一曰酸之言端也氣始生專心自

端也

五行大義三引春秋元命包

水味所以鹹何是其性也所以堅之也猶五味得鹹乃

堅也

白虎通義五行

鹹者鎌鎌清也至寒之氣故使其清而鹹

五行大義三引 一曰銜也 說文解字鹵部

火之為言委隨也 白虎通義五行

子者滋也 三國志魏文帝紀裴氏注引詩推度災

寅言萬物始生蟻然也 史記律書 寅者移也引也物可稍吐

引而申之移出于地也 五行大義一引詩推度災 一曰引達於寅 漢書

律歷志

丑于易為艮 釋名原文 艮之言很也 周易艮釋文引周易鄭君注

卯之為言茂也言萬物茂也 史記律書

辰者言萬物之娠也 史記律書 一曰辰震也三月陽氣動雷

電振民農時也

說文解字辰部

午于易為離

釋名原文

離為別離以陰隔陽也煙燄飛升炭

灰降滯是其別離也

周易離李氏集解引周易荀氏注

未者言萬物皆成有滋味也

史記律書

申神也

說文解字申部

申者伸伸猶引也長也衰老引長

五行大義

一引詩

維度災一曰呻之也

淮南子天文

酉者老也

白虎通義五行

萬物之老也

史記律書

又飽也

淮南子天文

就

也

說文解字申部

一曰雷孰于酉

漢書律歷志

戌者滅也

說文解字戌部

言萬物盡滅

史記律書

亥該也言萬物藏于下故該也

史記律書

一曰亥該也

白虎通義

五行

又亥也

說文解字亥部

閔也

淮南子天文

甲者押也春則開也冬則闔也

五行大義一引詩推度災

乙者屈也蟠屈其芒而欲萌

景祐六壬神定經上引春秋元命包

乙象春

草木冤曲而出陰氣尚彊其出乙乙也

說文解字乙部

戊勉也言土勉動萬物所生

景祐六壬神定經上引春秋元命包

己之言起也

禮記月令鄭君注

己者抑屈起

白虎通義五行

一曰己既

也言萬物已既也

景祐六壬神定經上引春秋元命包

壬之為言任也

史記律書

壬者陰使任

白虎通義五行

霜者殺伐之表

初學記二十引春秋感精符

霜亡也陽以散亡

白虎通義

災變霜之為言亡也四時代謝以霜收殺物以終也

太平御覽

十四引春秋考異郵

霆雷餘聲也鈴鈴所以挺出萬物

說文解字雨部

一曰霆礚礚

也

一切經音義十五引李氏蒼頡篇

霆者挺生萬物也

周易繫辭釋文引周易京氏注

震劈歷振物者

說文解字雨部

雹者陰薄陽之象

南齊書五行志引劉氏洪範五行傳

陰陽專精凝合成

雹雹之言合也

太平御覽十四引春秋考異郵

暈讀若君國子民之君氣圍繞日周市有似軍營相圍

守故曰暈也

呂覽明理注

一曰運讀連圍之圍運者軍也有

軍事相圍守則日運出也

淮南子覽冥注

氣見于日旁內曲向日為抱

開元占經七引蔡伯喈說

抱者苞也苞

者附也抱者近臣也抱者和親也

開元占經七引王待詔說

日璠

開元占經七引孝經雌雄圖

璠者決也璠者臣下走也璠者臣

下急也形如背狀微小而鉤則為璠璠者謫也為乖離

也

開元占經七引王待詔說

敘者雲有次序如山敘在日上也

周禮視禋鄭君注引鄭司農注

晦而月見西方謂之朏

周禮保章氏正義引洪範五行傳

朏條達行疾

貌也文選月賦注引洪範五行傳鄭君注一曰朏相頰也日晦食為朏漢書

五行志顏氏注

注引服氏注

日運為躔揚氏方躔舍也呂覽園道注

二十八宿一宿為一舍文選遊仙詩注引淮南子許君注舍止也周禮司戈

盾注

夜舍也天下休舍也說文解字夕部

宵陽氣消也爾雅釋言邢氏疏宵猶小也文選雜體詩注引春秋演

孔圖宋氏注

莫日且冥也說文解字井部

日昃中也周禮司市注日在西方時側也說文解字日部

日出前漏三刻為明文選新刻漏銘序注明孟也大戴禮記

誥明謂日照晝禮記祭義注

幽幼也大戴禮記誥志幽謂月照夜禮記祭義注

璇璣謂北極星續漢書天文志劉氏注引黃帝星經璇者還也璣者幾也

微也其變幾微而所動者大謂之璇璣太平御覽二十九引尚書大傳

魁下六星兩兩而比曰三能主關德宣符德立題能之

為言耐也北堂書鈔五十引春秋元命包

紫宮者太一之常座也開元占經六十七引春秋合誠圖紫之言此也

宮之言中也言天神運動陰陽開閉皆在此中也史記天官

書索隱引春秋元命包

秋元命包

攝提史記天官書攝提之為言提攜也言提斗攜角以接于

下也史記天官書索隱引春秋元命包

營室者主營胎陽氣而產之史記天官書一曰于是可以營

制宮室故謂之營室毛詩定之方中箋

房星為天帝之明堂布政之所出周禮大司樂賈氏疏引春秋文耀鉤房

者言萬物門戶也史記律書

危垝也言陽氣之危垝故曰危同上

須女言萬物變動其所陰陽氣未相離尚相如胥也故

曰須女

同上

氏者言萬物皆至也

同上

箕者言萬物根棋故曰箕

同上

弧者言萬物之吳落且就死

同上

狼者言萬物可度量斷萬物故曰狼

同上

罰者言萬物氣奪可伐也

同上

濁者觸也言萬物皆觸死也

同上

婁者呼萬物且內之也

同上

昴之爲言留也言物成就繫留是也

毛詩小星正義一引春秋元命包一

曰留者言陽氣之稽留也

史記律書

元枵虛也

爾雅釋天

枵耗名也

左氏襄二十八年傳

農祥

國語周語

祥猶象也

華嚴經音義上引國語賈君注

孛之爲言猶莠也

穀梁文十四年傳

孛者何彗星也

公羊文十四年傳

偏指曰彗芒氣四出曰孛孛者暗昧不明之貌也

開元占經

八十八引董江都說彗者天之旗

開元占經八十八引河圖帝通紀

去穢布新者

也

太平御覽七引洪範五行傳

旱之爲言乾萬物傷而乾不得水也

藝文類聚一百一引洪範五行傳一

曰旱之言悍也陽驕蹇所致也

太平御覽三十五引春秋考異郵

无妄

大旱之卦萬物皆死無所復望

周易无妄集解引周易京氏注

妄猶望

謂无所希望也

周易无妄釋文引周易馬君注

大雩者何旱祭也

公羊桓五

年雩之言吁嗟也

禮記祭法注

雩者吁嗟求雨之聲

周禮女巫疏引

春秋考異郵

一曰雩遠也遠為百穀求膏雨也

續漢書禮儀志注引左傳

服氏注

氣相傷謂之沴沴猶臨莅不和意也

漢書五行志

凡草木之類謂之妖妖猶天胎言尚微

漢書五行志

卻變異曰禳禳攘也

周禮女祝注

釋地

地者易也言養物懷任交易變化含吐應節也

太平御覽三十

六引春秋元命包

又媿也承天行其義也

太平御覽三十六引春秋說題辭

又

麗也

爾雅釋地釋文引淮南子許君注

地之言施也應施變化故謂之

地

太平御覽三十六引白虎通義

地神曰祗

爾雅釋訓疏引尸子

提出萬物者也

說文解字亦部

田一夫之所佃

周禮匠人注

田陳也謂陳列種穀之處

爾雅釋地

釋文引爾雅李氏注

藉田典籍之田

毛詩載芟正義引應氏說

藉之言借也

毛詩載芟箋

借人

力以成其功故曰藉

徐氏初學記三引月令蔡氏章句

一曰古者使民

如借故曰藉田

風俗通義祀典

藉蹈也言親自履蹈于田而耕

之

後漢書明帝紀注引劉氏五經要義

圭田圭之言珪絜也

周禮匠人注

壟中曰畎畎上曰伐伐之言發也

同上

阜者茂也言平地隆踊不屬于山林也

風俗通義山澤

汎者莽也言其平望莽莽無涯際也汎澤之無水斥鹵

之類也

風俗通義山澤引傳

沛澤沛者草木之蔽茂禽獸之所蔽匿也

風俗通義山澤

上平曰原

公羊昭元年傳

原端也平而有度

水經注六引春秋說題辭

下而平者謂之隰隰之猶言溼也

太平御覽五十謂土七引尚書大傳

地宐下常沮洳名為隰也

爾雅釋地疏引爾雅李氏注

陂者曰阪

爾雅釋地

陂者謂高峰小陂

毛詩車鄰正義引爾雅李氏注

在田曰疆

公羊宣十五年傳注

土地疆槩之地

禮記月令注

釋山

山者地之基

文選琴賦注引春秋運斗樞

氣之苞

太平御覽三十八引春秋元命包

地有山嶽以宣其氣

開元占經一引靈憲

山之為言宣也含澤布

氣調五行也

太平御覽三十八引春秋說題辭

陵之為言稜也輔山成其廣大層稜扶推益厥長也太平

御覽五十三引

春秋說題辭

嶽之為言摘也摘功德也

白虎通義巡狩

嶽者摘功考德黜陟

幽明也

風俗通義山澤

東方為岱宗言萬物更相代于東方也

白虎通義巡狩

岱者代

也東方物之始交代之處

白孔六帖五引劉氏五經通義

宗長也言為

羣嶽之長

太平御覽二十九引五經通義

岱者胎也

續漢書祭祀志一注引風俗通義

曰王者禪代所祠故曰岱嶽

淮南子地形注

東山名曰日觀日觀者雞一鳴時見日始欲出

續漢書祭祀志

注引馬氏
封禪儀記

梁甫泰山旁山名梁者信也甫者輔也信輔天地之道

而行之也

白虎通
義封禪

衡山上承景宿銓德均物故曰衡

太平御覽三十
八引白虎通義衡山

一名霍霍者萬物盛長垂枝布葉霍然而大

風俗通
義山澤霍

之為言護也言萬物護也太陽用事護養萬物也

白虎
通義

巡狩

西方為華山華之為言獲也言萬物成熟可得獲也

白虎

通義
巡狩

一曰華者華也萬物滋然變華于西方也

風俗通
義山澤

少陰用事萬物生華故曰華山

初學記五引
白虎通義

北方為恆山恆者常也萬物伏藏于北方有常也

白虎通義

巡陰終陽始其道常久故曰常山

初學記五引
白虎通義

中央為嵩高

白虎通義
巡狩

中央之嶽獨加高字者中央四方

之中可高故曰嵩高山

白孔六帖五
引白虎通義

會稽者會計也禹會諸侯江南計功而崩因葬焉命曰

會稽

史記夏本紀贊

禹巡天下歸登茅山乃大會計治國之道

更名茅山曰會稽

吳越春秋越王無餘外傳

山足曰麓麓者錄也

路史發揮五引尚書大傳鄭君注

石陰中之陽陽中之陰陰精輔陽故山含石石之爲言

託也託立法也

初學記五引
春秋說題辭

磐

周易
漸

山中石磐紆故稱磐

周易正義漸引
周易馬君注

釋水

水之爲言演也陰化淖濡流施潛行也

太平御覽五十
八引春秋元命

包水者天地之包幕五行之始焉

初學記六引
春秋元命包萬物之

所由生元氣之媵液也

水經注一引
春秋元命包

瀆者通也所以通中國垢濁也

風俗通義山澤
引尚書大傳

瀆者濁

也中國垢濁發源東注海其功著大故稱瀆也

白虎通
義巡狩

江貢也所出珍物可貢獻也

風俗通義山澤引尚書大傳

河者水之伯

水經注一引孝經援神契

四瀆之精

水經注一引春秋考異郵

河之

言何同也

毛詩元荷也鳥箋

河之為言荷也荷精分布懷陰引度

也

水經注一引春秋說題辭

又播也播為九流出龍圖也

風俗通義山澤引尚

書大傳

淮者均

風俗通義山澤

均其勢也

水經注三十引春秋說題辭

濟齊也齊度也貞也

水經注七引春秋說題辭

齊其度量也

風俗通義山澤

引尚書大傳

洛之為言繹也言水繹繹光耀

初學記六引春秋說題辭

渭之爲言布也渭渭流行貌

初學記六引春秋說題辭

湖都也言流瀆四面所隈都也

風俗通義山澤

汝出猛山汝之爲言女也

太平御覽六十三引春秋說題辭

女取其生

孕也

太平御覽六十三引春秋說題辭宋氏注

小水入大水曰湑从水从𠂔

說文解字水部

水所出曰汭

水經注四引尚書馬君注

汭之言內也

毛詩公劉箋

山絕水曰壘

毛詩鳧鷖傳

壘之言門也

毛詩鳧鷖箋

水所停止深者曰瀦

尚書禹貢釋文引尚書馬君注

瀦都也南方謂都

爲瀦

禮記檀弓注

水出于山入于川曰谿

爾雅釋水疏引爾雅李氏注

谿隱也深虛繞

山令得博也

太平御覽六十七引春秋說題辭

渠者水所居也

風俗通義山澤引傳

畜水曰陂

禮記月令注

陂者繁也言因下鍾水以繁利萬物

也

風俗通義山澤

小波為淪

爾雅釋水

淪小風水成文轉如輪也

毛詩伐檀傳

匯回也

水經注二十九引尚書鄭君注

水迴也

一切經音義三引蒼頡篇

海天池以納百川者

說文解字水部

海水之委也

禮記鄉飲酒義注

水中可居曰州周繞其旁

說文解字川部

小洲曰渚釋名原文四方有水獨高可處故曰渚一切經音義十四引

爾雅李

氏注

小汚曰坻爾雅釋水坻箸也說文解字土部

頻水厓也人所賓附頻蹙不前而止說文解字頻部

潮朝也太平御覽六十八引說文解字水朝宗于海說文解字水部一曰朝曰

潮汐曰汐事文類聚前集十五引說文解字

潛水流潛潛也說文解字水部

潤水流浼浼同

釋丘

絕高謂之京爾雅京人所為絕高丘从高省京象高形

說文解字京部

道出其後曰昌丘釋名昌當也爾雅

丘背有丘為負丘爾雅負之言背也禮記明堂位注

如陵陵丘爾雅

如覆敦者敦丘同

上平章丘同

水潦所還埒丘同

水出丘前謂之消丘消少減也說文解字水部

西方曰金丘

淮南子地形

西方金位因為金丘

注

注 東北方曰和丘

淮南子地形

鸞所自歌鳳所自舞故曰和丘

京丘

呂覽禁塞

戰鬪殺人合土築之以為京觀故謂之京丘

注

土高四墮曰椒丘

楚詞離騷王氏注

宏農有桃丘古桃林也

史記留侯世家索隱引應氏十二州記

兩山夾上谷二大丘居中名曰平丘

山海經八

嗟丘一曰嗟丘

爾雅釋詁

墳大防爾雅釋丘墳謂厓岸狀如墳墓名大防也毛詩汝墳正義引爾

雅李氏注

釋道

九達謂之達爾雅釋宮中馗馗中九交之道也文選蕪城賦注引韓詩薛

君章句馗九達道也似龜背故謂之馗說文解字九部

街四通道也說文解字行部街者攜也離也四出之路攜離而

別也廣韻十三階引風俗通義

衝通道也說文解字行部

衛通街也同上

鄉里中道邑中所共也

說文解字 艷部

委巷街里委曲

禮記檀弓注

桓隴阪名其道盤桓旋曲而上故名曰桓

水經注三十 六引尚書鄭

君注

堂畢道平如堂也

詩終南傳 畢終南山之道名 箋

午道

史記張儀傳

一縱一橫為午

史記張儀傳索隱引鄭君說

午悟也

解字 午部

環涂謂環城之道

周禮匠人注引杜子春注

釋州國

州之言殊也合同類異其界也

太平御覽一百五十七引春秋說題辭又

疇也各疇其土而生也

說文解字川部又周也州有長使之相

周足也

太平御覽一百五十七引風俗通義

兩河閒曰冀州

爾雅釋地兩河閒其氣清厥性相近故曰冀

冀近也

爾雅釋地疏引

河西曰雍州

爾雅釋地河西其氣蔽壅厥性急凶故曰雍雍

壅也

爾雅釋地釋文引爾雅李氏注

漢南曰荊州

爾雅釋地漢南其氣燥剛稟性彊梁故曰荊荊

彊也

爾雅釋地疏引陽盛物堅其氣急悍太平御覽一百六十七引

春秋元命包

江南曰揚州

爾雅釋天

江南其氣慘勁厥性輕揚故曰揚州

公羊莊十年傳疏引爾雅李氏注

濟河閒曰兗州

爾雅釋地

濟河閒其氣專質厥性信謹故曰

兗州充信也

爾雅釋地釋文引爾雅李氏注

一曰充之言端也言隄精

端故其氣纖殺

藝文類聚六引春秋元命包

河南曰豫州

爾雅釋天

河南稟中和之氣

太平寰宇記三厥引爾雅李氏注

性寬豫

傅氏禹貢集解引爾雅李氏注

故曰豫豫舒也

爾雅釋地疏引爾雅李氏注

一曰豫之言序也言陽氣分布各得其處平靜多序也

爾雅釋地釋文
引爾雅李氏注

燕曰幽州爾雅釋地

燕其氣深要厥性剽疾故曰幽幽要也

爾雅釋地釋文
引爾雅李氏注

一曰幽之為言窈也言風出入窈冥敏

勁易曉故其氣躁急

藝文類聚六引
春秋元命包

齊曰營州爾雅釋地

齊其氣清舒受性平均故曰營營平也

今為青州

公羊莊十年傳疏
引爾雅李氏注

正北曰并州

周禮職方氏

并之言併也陽合交并其氣勇壯

抱誠信也

爾雅釋地釋文
引春秋元命包

一曰并之為言誠也精含交

并其氣勇抗誠信也

藝文類聚六引
春秋元命包

益州益之言隘也謂物類竝決其氣急切決列也藝文類聚

六引春秋 一曰疆壤益廣故曰益州水經注三十三引

元命包 武帝南平百越北攘夷

交阯南越太平御覽一百五十七引王氏漢官篇

狄置交阯始開北方遂交南方為子孫基阯也後漢書光武帝

紀注引應氏漢官儀

魏大名也左氏閔元年傳魏喻巍巍高大也史記晉世家集解引左傳服氏注

南辟之民曰蠻大戴禮記千乘蠻者慢也資治通鑑三十三胡氏注引風俗通義

禮簡怠慢來不距去不禁史記夏本紀集解引尚書馬君注 一曰用事

差簡慢周禮職方氏注蠻者聽從其俗羈縻其人耳故云蠻蠻

之言緝也

尚書禹貢正義引尚書鄭君注

東辟之民曰夷

大戴禮記大乘

夷易也

爾雅釋詁

東方者少陽易化

故取名也

白虎通義禮樂

一曰夷者柢也言仁而好生萬物柢

地而出

後漢書東夷傳注引風俗通義

又觚也

資治通鑑注三十引風俗通義

夷中

最仁有仁道故字从人

水經注三十引地里風俗記

西方曰戎

禮記王制

戎者凶也斬伐殺生不得其中

資治通鑑注三十

十三引風俗通義

北方曰狄

禮記王制

狄者易也辟易無別也

白虎通義禮樂

一曰狄

者辟也其行邪辟

資治通鑑注三十引風俗通義

氏言抵冒貪饗至死好利本西南夷太平御覽七百九十四引風俗通義

貊之為言惡也說文解字豸部引夫子說貊者略也薄也不知送往

勞來無宗廟粢盛賦斂薄也太平御覽七百八十一引風俗通義

胡者互也言其被髮左衽言語贄幣事殊互也太平御覽七百九十九引

風俗通義

四塞在四方為蔽塞者禮記明堂位注秦築長城土皆紫色謂

之紫塞塞者壅塞夷狄也事文類聚別集六引風俗通義

南徼土色丹謂之丹徼徼遠也同上

侯服周禮職方氏侯為王者斥侯也注

男服周禮職方氏男任也任王事注

宏農宏大也所以廣大農業也太平御覽一百五十九引漢官儀

張掖言張國臂掖以威羌狄水經注二引地里風俗記

酒泉其水甘若酒味故也同上

平陰故晉陰地陰戎之所居在平陰之南故曰平陰水經

注四引地里風俗記

鬱林鬱鬱金香是也鬱人所貢因氏郡矣水經注三十引地里風俗記

俗記

江都縣為一都之會故曰江都水經注三十引地里風俗記

聞喜漢書地理志武帝於此聞南越破故曰聞喜毛詩唐揚之水正義

引應氏說

王國百里為郊周禮載師鄭司農注引司馬注古者天子夏親郊祀上

帝於郊故曰郊漢書郊祀志王及諸侯必有郊者上則交接

天神下則交接諸侯諸侯交接鄰國也一切經音義十卷引白虎通義

郊外曰甸通典一百一卷引禮記盧氏注甸之言田也周禮春官序官甸祝注治

田入穀也周禮職方氏注

四邑為丘丘謂之墟說文解字丘部墟者虛也風俗通義山澤

四里為攢呂覽季秋紀注攢聚也文選西都賦注引倉頡篇

郇國甸大夫稍稍所食邑周禮曰任郇地在天子三百

里之內說文解字邑部

百里為同總名為縣縣元也首也从系倒首舉首易偏

矣言當元靜平徭役也水經注二引又平也意林四引

五家為伍十伍為里鶚冠子里者止也五十家共居止

也續漢書百官志注引風俗通義

五家為比五比為閭閭侶也二十五家相羣侶也說文解字

部門

疆五百里王畿界周禮載師注疆之為言猶竟也穀梁昭元年傳

釋形體

頸頭莖也

說文解字頁部

腦之為言在也人精在腦

太平御覽三百七十
五引春秋元命包

脣者齒之垣所以扶神設端

太平御覽三百六十
八引春秋元命包

舌之為言達也

太平御覽三百六十
七引春秋元命包

揚眉上廣廣揚而顏角豐滿

毛詩君子
偕老傳

顏眉目之間

說文解字頁部

顏之言氣畔也

太平御覽三百六
十四引春秋元命

包

鼻引氣自界也

說文解字鼻部

齒老人齒如白也

說文解字齒部

胛之為言附著也如龍蟠虎伏合附著也

太平御覽三百六十九引

春秋元命包

心之為言任也任於恩也

白虎通義情性

枉眾惡於內弗使得

發於外者心也故心之為名枉也

春秋繁露深察名號

肝木之精

太平御覽三百七十六引樂動聲儀

肝之為言干

五行大義三引作扞也

白虎通

義情性

脾土也

禮記月令正義引許君五經異義今文尚書歐陽說

脾之為言併也所以

積精併氣也

白虎通義情性

脾者弁也心得之而貴肝得之而

興肺得之而大腎得之以化

五行大義三引
春秋元命包

肺者金之精肺之為言費也情動得序

白虎通
義情性

腎者水之精腎之為言寫也以竅寫也

同上

胃為水穀之府

周禮疾醫疏引
八十一難經

胃者穀之委也

太平御覽三百

七十六引春
秋元命包

鄰臍二寸謂之關關者所以關藏呼吸之氣以稟授四

體也

荀氏申
鑿俗嫌

髀之為言跂也

太平御覽三百七十
二引春秋元命包

足上稱辨謂近膝之下屈則相近信則相遠故謂之辨

辨分也

周易集解剝引
周易鄭君注

駢脅

左氏傳二駢并也
十三年傳

周禮巾車疏引尚
書大傳鄭君注

并脅也

說文
解字

骨部

踦一足

說文解
字足部

踦奇也

太平御覽六百九
十七引風俗通義

釋姿容

媿之謂媿也媿謂容貌也

禮記內
則注

移之言靡迪也

禮記玉
藻注

幡反也

孟子萬章
趙氏注

幡幡失威儀也

毛詩賓之
初筵傳

蜷屈詰曲不行貌

楚詞離
騷注

挑謂招呼也

列子楊朱般氏釋文引倉頡篇

挑撓也一曰揲也

說文解字手部

招者召也以手曰招

楚詞招魂序

招招號召之貌

毛詩瓠有苦葉傳

摻摻猶纖纖也

毛詩葛屨傳

纖纖女手之貌

文選古詩注引韓詩章句

提提安諦也

毛詩葛屨傳

髻髮至脅也

說文解字髟部

頗頭偏也

說文解字頁部

凡相竊視南楚或謂之占占猶瞻也

方言

噤口有所銜也

說文解字口部

躑躅足行高也

說文解字足部

平衡曰拜荀子大略拜之言服也白虎通義姓名

伏服也周易繫辭釋文引孟氏章句

駐住也文選東征賦注引倉頡篇

摟牽也文選琴賦注引孟子劉子政注

撫拊之也儀禮鄉射禮注

圈豚行禮記玉藻圈轉也豚之言若有所循注

媛美人人所援也說文解字女部邦人所依倚以為援助也毛詩

君子偕老箋

靦媯也毛詩何人斯傳人面媯然也爾雅釋言釋文靦擅也面

貌也謂自專壇之貌

爾雅釋言釋文引爾雅舍人注

挈首亂頭也草與髮并編為挈首

淮南子覽冥注挈亂也文選

賦注引淮南

子許君注

偏任為跛依物為倚

禮記禮器注

跛偏任也

禮記曲禮注

倚依也

周易說卦釋文引周易馬君注

旁視曰眇

一切經音義十一引三蒼

眇眇然視無智巧貌也

淮南子覽冥注

越之言蹙也

禮記緇衣注

踐翦也

史記文帝紀集解引服氏說

踐之者藉之也

毛詩破斧正義引尚書大傳

步行曰徒

毛詩黍苗箋

徒猶獨也

華嚴經音義下引劉氏說

伋伋急行也

一切經音義十三引說文解字

蹙促也

毛詩小

蹙額愁貌

孟子梁惠王注

朦豐也自關而西秦晉之間凡大貌謂之朦

方言二

瞑翕目也从目冥

說文解字目部

睽暫視兒

說文解字目部

覲暫見也

說文解字見部

顛者專也

白虎通義號

頭顛顛謹兒

說文解字頁部

勃屑猶嬾姍膝行貌

楚詞七諫注

索索猶縮縮足不止也

周易震釋文引周易鄭君注

釋長幼

嬰兒嬰猶驚彌也

禮記雜記注

男曰兒女曰嬰

玉篇女部引倉頡篇倪

者弱小緊倪者也

孟子梁惠王注

孺乳子也一曰輸也輸尚小也

說文解字子部孺之言屬獨斷

上骨肉相親屬也

爾雅釋言疏引爾雅李氏注

七年曰悼悼憐愛也

禮記曲禮注

童未冠之稱

周易蒙釋文引周易鄭君注

童獨也

周易觀釋文引周易馬君注

者觀也血氣精華觀極言色赤黑如狗矣

爾雅釋詁疏引爾雅舍人

注

者老人面如點也說文解字老部

眉壽秀眉也毛詩南山有臺傳秀眉亦壽徵毛詩閟宮箋

頽白頽者班也頭半白班班者也孟子梁惠王注

百年日期頽釋名原文期猶要也孝子要盡養道而已禮記曲禮

注

七十曰老禮記曲禮老考也說文解字老部壽考也白虎通義鄉射又久也

舊也續漢書禮儀志注引漢官儀

伯者子最長迫近父也仲者中也叔者少也季者幼也

白虎通義姓名

丈夫周制八寸為尺十尺為丈人長八尺故曰丈夫

說文

解字 夫部 一曰丈者長也夫者扶也言長萬物也

大戴禮記本命十

尺曰丈成人之長也夫者膚也言其智膚敏宏教也故

曰丈夫

意林四引風俗通義

丈人

易師 丈之言長 周禮天府疏引 能以法度長於人 易師

釋文引周 非徒尊老須德行先人也傳云杖德莫如信

言其恩德可信杖也

意林四引風俗通義

者

淮南子道應注

先生老人教學者

禮記曲禮注

先生猶言先醒也

韓詩外傳六 先

生當如醒學者譬如醉言生俱醉獨有醒者意林四引 風俗通義

釋親屬

父矩也以法度教子也白虎通義 三綱六紀

母牧也說文解 字女部

君母父之嫡妻儀禮喪 服注君母者母之所君事者通典九 十二引

儀禮馬 君注

祖者徂也風俗通 義祀典

男子先生為兄白虎通義三綱六 紀引禮親屬記兄況也況父法也白 虎

通義三 綱六紀

男子後生為弟白虎通義三綱六紀引禮親屬記弟悌也心順行篤也

白虎通義三綱六紀

男子謂女子先生為姊爾雅釋親姊者咨也白虎通義三綱六紀

男子謂女子後生為妹爾雅釋親妹者末也白虎通義三綱六紀

婦稱夫之父曰舅爾雅釋親舅者舊也白虎通義三綱六紀

夫者扶也以道扶接也白虎通義三綱六紀

婦者服也以禮屈服也同上

寡妻寡有之妻言賢也毛詩思齊箋

從母母之姊妹儀禮喪服注從其母來通典九十二引儀禮馬君注

東齊之間壻謂之倩方言倩借也方言

女子同出謂後生為娣爾雅娣者何弟也公羊莊十年傳

族者氏之別名史記五帝紀集解引族者湊也聚也謂

恩愛相流湊也生相親愛死相哀痛有會聚之道故謂

之族族所以九者九之為言究也親疏恩愛究竟謂之

九族白虎通義宗族

姓者所以統繫百世使不別也史記五帝紀集解子姓

謂眾子孫姓之言生也禮記喪大記注人所生也說文解

似續毛詩似嗣也傳

冑緒也允也

一切經音義
七引應氏說

重昏曰媾

一切經音義四
引國語賈君注

媾厚也

毛詩候
人傳

媒謀也謀合二姓酌也斟酌二姓也

說文解
字女部

嫁者家也婦人外成以出適人為家娶者取也

白虎通
義嫁娶

嫡尊無與敵

公羊隱元
年傳注

妃即夫人與后參職

呂覽季
春記注

妃媿也

爾雅
釋詁

大夫之妃曰孺人孺屬也言其繫屬于人也

禮記曲
禮注

世婦以下自稱曰婢子

禮記
曲禮

婢之言卑也

注

女之卑者

也

說文解
字女部

嘉耦曰妃

周易豐釋文引周易鄭君注

妃匹也

說文解字女部

謂相與為偶

也

白虎通義嫁娶

一曰配媿也

毛詩皇矣傳

配為成夫婦也

左傳隱八年正

義引左傳賈君注

怨耦曰讎

一切經音義一引三蒼

讎仇也

國策秦策高氏注

讎怨之匹也

一切經音義九引爾雅李氏注

丈夫無妻曰鰥

管子入國鰥之言鰥鰥無所親

毛詩桃夭正義引白虎通

義

無室家之端故謂之鰥

尚書堯典正義引尚書大傳

釋言語

道者人之所道也

荀子

道也者通也無不通也

楊氏法言問道

仁之爲言人也愛在人謂之仁仁主人也春秋繁露仁

者謂其心愛人也韓非子

義之爲言我也義在我謂之義義主我也春秋繁露仁義發

禮者人之所履也荀子禮之爲言履也履道成文也白虎

通義禮者理也因人之情緣義之理而爲之節文者也

管子一曰禮者天理之粉澤初學記二十

儀宜也毛詩蒸又義也毛詩鳴衣服有義謂之儀賈氏

道術

考中度衷爲忠國語忠者中此者也大戴禮記

以己量人謂之恕新書道術恕如也一切經音義二引蒼頡篇

性者生之質禮記中庸注性者生出白虎通生而然者

也論衡初稟

情者靜也白虎通義情性

綱者張也紀者理也大者為綱小者為紀所以疆理上

下整齊人道也白虎通義三綱六紀

學之為言覺也覺悟所不知也白虎通義辟雍

辨之為言別也為其善分別事類而明處之也徐氏中論數辨

一曰辨者變也謂陳道德以變說君也楚詞九辨序

說釋也

說文解字言部

序緒也

毛詩閔予小子傳

氣之清者為精

春秋繁露通國身

精者靜也太陰施化之氣也

白虎通義情性

陽之精者為神

大戴禮記曾子天圓

神慎也

爾雅釋詁

人之守也

淮南子精

注神

萬傑曰聖

白虎通義聖引禮別名記

人

聖者聲也通也言其聞聲知

情通於天地調暢萬物

太平御覽四百一引風俗通義

倍英曰賢

白虎通義聖人引禮別名記

賢者堅也堅中廉外也

太平御覽

四百二引
風俗通義

儒者區也言其區別古今

後漢書杜林傳注引風俗通義

儒之為言無

也不易之術也

韓詩外傳五

又柔也

說文解字人部

天子孝曰就就之為言成也天子德被天下澤及萬物

始終成就則其親獲安故曰就也諸侯孝曰度度者法

也諸侯君國能奉天子法度得不危溢則其親獲安故

曰度卿大夫孝曰譽譽之為言名也卿大夫言行布滿

能無惡稱譽達遐邇則其親獲安故曰譽也士孝曰究

究者以明審為義士始升朝辭親入仕能審資父事君

之禮則其親獲安故曰究也庶人孝曰畜畜者含畜為

義庶人含情受樸躬耕力作以畜其德則其親獲安故

曰畜也

古微書二十七引孝經援神契

名之為言鳴與命也鳴而命者為名名者聖人之所以

真物也名之為言真

春秋繁露深察名號

一曰名自命也从口从

夕夕者冥也冥不相見故以口自名

說文解字口部

號之為言謫而效也謫而效天地者為號

春秋繁露深察名號

諫閒也更也是非相見革更其行也

白虎通義諫諍

諍止也

說文解字言部訟也一切經音義二

十四引蒼頡篇

誼言語詢詢往來也一切經音義四引三蒼

嘩言語譏譏喧也同上

貧財分少也說文解字貝部

富之言備也禮記曲禮注

貢獻功也說文解字貝部

獻猶軒軒在物上之稱文選景福殿賦注引孟子劉氏注

古故也毛詩日月傳

舊久也毛詩抑箋

計謀也一切經音義十四引國語賈君注計者事之機也史記淮陰侯傳

密之言閉也

禮記樂記注

震之者何猶曰振振然

公羊僖九年傳

驚之言警戒也

周易震集解引鄭君注

福者備也

禮記祭統

祿者錄也取上所以敬錄接下下所以謹錄事上

毛詩

正義引孝經

一曰祿之言穀也

周禮天府注

訓壽也

說文解詛字言部

也一切經音義十四引說文解字

詛謂祝之使沮敗也

周禮春官序官詛祝注

君者羣也

韓詩外傳五

羣下之所歸心也

白虎通義三綱六紀

從之成

羣曰君逸周書

又溫也原也

春秋繁露深察名號

民之原也

荀子君道

臣者堅也厲志自堅固也

白虎通義三綱六紀

又牽也

說文解字臣部

吏之謂言理也

新書大政

民之為言萌也萌之為言也盲也

新書大政

又冥也

論語秦伯何氏

集解引鄭君注

民之號取之暝也

春秋繁露深察名號

士之言事也

禮記祭統注

任事之稱也

白虎通義爵

農者濃也

風俗通義皇霸引禮含文嘉

商之為言商也商其遠近度其有無通四方之物也

曰

通義商賈

賈之爲言固也固其有用之物以待民來以求其利者

也同上

朝召也楚詞九歎注召而見之也春秋繁露諸侯一曰朝猶朝也欲

其來之早周禮大因用朝時見故謂之朝藝文類聚三十九引白虎

通義

覲之言勤也欲其勤王之事周禮大宗伯注

摯之言至所執以自致周禮大宗伯注又質也質已之誠致已

之悃悞也白虎通義瑞贄

酬勸酒也酬之言周忠信爲周儀禮鄉飲酒禮注

刑者側也過出罪施

周禮秋官序官大司寇注引孝經援神契

麾之言快也齊人所善曰麾

禮記禮器注

葆之言褒也

同上

擻之言芟也

同上

頒之言分也

禮記祭義注

興之言喜也歆也

禮記學記注

忌之言戒也

禮記表記注

戾之言利也

禮記大學注

適同詢之言責也

禮記昏義注

釋飲食

君物曰膳膳之言善也儀禮燕禮注今時美物曰珍膳周禮天官

序官膳夫注

晞於陽而煬於火曰腊肉周易噬嗑釋文腊之言夕也

周禮天官序官腊人注

有骨謂之肺周易噬嗑釋文肺簣也周易噬嗑釋文

胖半體周禮腊人注引周易馬君注 胖謂脅側薄肉禮記玉藻注 胖之言片

也析肉意也周禮腊人注 胖讀為判周禮腊人注 引鄭大夫注

聶之言牒也禮記少儀注

脤社祭之肉

周禮大宗伯疏引五經異義

社肉盛以蜃故謂之脤

說文

解字 禾部

倫膚倫理也謂精理滑絕者

儀禮公食大夫禮注

服修者脯也服修取其斷斷自修正

公羊莊二十四年傳何氏注

腳今時臠也牛曰腳香美之名

儀禮公食大夫禮注

嘉穀

毛詩行葦

以脾函為加故謂之嘉

箋

牛羊曰犒其其枯槁也

淮南子汜論注

疏食疏之言麤也

禮記玉藻注

穀續也百穀之總名

說文解字禾部

麥之爲言殖也寢生觸凍而不息精射刺直故麥含芒

事且立也

太平御覽八百三十八引春秋說題辭

麥芒穀秋種厚蕤故謂

之麥

說文解字麥部

麤周所受來牟也一麥二縫象其芒刺之形天所來也

說文解字來部

稻之爲言藉也稻冬含水盛其德也故稻太陰精含水

沮洳乃能化也

太平御覽八百三十九引春秋說題辭

粟之爲言續也

說文解字鹵部引夫子說

禾之秀實爲稼稼家事也

說文解字禾部

一曰如嫁女以有所

生周禮地官序官司稼注

菽者屬也春生秋熟理通體屬也太平御覽八百四十四引春秋說題辭

黍者暑也齊民要術二引汜勝之書以大暑而種故謂之黍說文解字黍部

又緒也古微書十一引春秋說題辭

酒之言乳也所以策身扶老也太平御覽八百四十四引春秋說題辭酒

就也所以就人性之善惡一曰造也吉凶所造也說文解字

酉部

酎醇酒楚詞招魂注酎之言醇也謂重釀之酒也禮記月令注

秬鬯黑黍酒也謂之鬯者芬香條暢也毛詩江漢箋

泛齊周禮酒正泛者成而滓浮泛泛然如今宜成醪矣注

益齊周禮酒正益猶翁也成而翁翁然葱白色如今鄮白矣注

醴酒一宿熟也說文解字酉部醴猶體也成而汁滓相將如今

恬酒矣周禮酒正醴者以蘗與黍相體不以鞠也濁而恬

耳呂覽重已注

酺王德布大飲酒也說文解字酉部

醉卒也卒其度量不致於亂也同上

黍稷曰粢在器曰盛公羊桓十盛之言成也同禮匠人注

醑湫也醑之言演也安也湫所以潔口且演安其所食

也儀禮士昏禮注

飢飽也以食與人曰飢一切經音義十四引杜氏蒼頡訓詁

饔酒食爾雅釋訓得酒食則喜歡也毛詩七月正義引爾雅李氏注

飲食不溲禮記儒行溲之言欲也注

釋采帛

青靜也文選射雉賦注引韓詩章句

青謂之蔥禮記玉藻注蔥蒼也毛詩采芑傳

黃者光也中和之色風俗通義五帝引尚書大傳

元幽遠也黑而有赤色者為元象幽而入覆之也

說文解字

部元

賁黃白色

毛詩白駒箋

賁變也文飾之貌

周易賁釋文引周易鄭君注

雜色為班班文貌也

一切經音義十卷引蒼頡篇

辨廣韻班同辨

駁文也

說文解字文部

綦蒼艾色

說文解字糸部

綦綦文也

毛詩出其東門箋

染夏者染五色謂之夏者其色以夏狄為飾夏狄毛羽五色皆備成章染者擬以為深淺之度是以放而取名

焉

周禮染人注

染纁者三入而成又再染以黑則為緌緌今禮俗文作

爵言如爵頭色也

周禮鍾氏注

幣人所造成以自覆蔽謂束帛也

儀禮聘禮記注

纁帛爵頭色一曰微黑色如紺纁淺也

說文解字系部

璊以毳為縹色如薶故謂之璊薶禾之赤苗也

說文解字毛部

繪會五采繡也

說文解字系部

麻也者所以為衣也

劉氏說苑辨物

麻之為言微也陰精寢密

女作織微也

古微書十一引春秋說題辭

廣釋名卷一

終

廣釋名卷二

昭文張金吾學

釋首飾

冠首服

通典五十六引五經要義

冠綦也所以綦髮弁冕之總名也

說文解字口部

一曰帷也所以帷持其髮也

白虎通義緋冕

冕十一月之時陽氣俯仰黃泉之下萬物被施如冕前

俛而後仰故謂之冕

白虎通義緋冕

禕冕禕之為言埤也

儀禮覲禮注

母追儀禮士冠禮記母發聲也追猶自也夏后氏質以其形言

之注 夏統十三月為正其飾最大故曰母追母追者言

其追大也 白虎通 義 緋冕

收十三月之時陽氣收本舉生萬物而達出之故謂之

收 同上

章甫殷統十二月為正其飾微大故曰章甫章甫者尚

未與極其本相當也 同上

尋名出于幠幠覆也言所以自覆飾也 儀禮士冠 禮記注 十二

月之時施氣受化詡張而後得牙故謂之尋 白虎通 義 緋冕

元冠委貌也 續漢書輿服志注 引戴氏石渠禮論 委猶安也言所以安正

容貌

儀禮士冠禮記注

周統十一月為正萬物始萌小故為冠

飾最小故曰委貌委貌者言委曲有貌也

白虎通義緋冕

弁之言樊也所以樊持其髮也

白虎通義緋冕

一曰弁名出於

槃槃大也言所以自光大也

儀禮士冠禮記注

惠文冠惠者蠹也其冠文細如蟬翼故曰惠文

通典五十七引

胡氏漢官解詁

綦結也皮弁之縫中每貫結五采玉十二以為飾謂之

綦

周禮弁師注

象邸

周禮弁師

邸下抵也以象骨為之

注

珈笄飾之最盛者

毛詩君子偕老傳

珈之言加也副既笄而加

飾如今步搖上飾

箋

沛國人謂反紒為髿

周禮弁師注

髿骨擿之可會髮者

說文解字

骨部

鬢笄用桑

儀禮士喪禮

桑之為言喪也用為笄取其名也

注

珥珠在耳也耳璫垂珠曰珥

一切經音義八引蒼頡篇

釋衣服

衣者隱也所以隱形也

白虎通義衣裳

衿交領也

顏氏家訓書證引劉氏列女傳曹大家注

衿猶結也

禮記內則注

衲緣也衲之言任也以纁緣其衣象陰氣上任也儀禮士昏

禮注

衲謂緣衲之言施以緇緣裳象陰氣下施同上

黑衣裳赤緣之謂之祿祿之言緣也所以表袍者也儀禮

士喪禮注

祛去也文選南州桓公九井詩注引韓詩章句

綬者有所承受也所以別尊卑彰有德也初學記二十六引漢官儀

光明章表轉相結綬故謂之綬初學記二十六引董氏輿服志

紳大帶論語衛靈公集解引包氏注所以申束衣毛詩有狐傳所以自紳

約也

禮記內則注

一曰示敬謹自約整也

白虎通義衣裳

璫瑞也

毛詩大東傳

佩璫者以瑞玉為佩

箋

玦玉佩

說文解字玉部

能決嫌疑則佩玦

太平御覽六百九十二引白虎通義

佩

玦者事至而斷

莊子田子方

禕之為言埤也天子六服大裘為上其餘為禕

儀禮覲禮注

黼裘

禮記諸侯

黼裘以誓田雜羔狐為黼文也

初學記二十六

引五經

要義

功裘卿大夫所服人功微麤謂狐青麋裘之屬

周禮司裘注

禮衣禮之言亶亶誠也

周禮內司服注

衽衣日日所常衣

說文解字衣部

宵衣

儀禮士昏禮

宵讀為詩素衣朱綃之綃以綃為領因以

為名

注綃綺屬儀禮上昏禮注引魯詩

藍縷言衣敝壞其萋藍藍然

史記楚世家集解引左傳服氏注

紉屨頭飾

禮記玉藻注

紉之言拘也以為行戒狀如刀衣鼻

在屨頭

儀禮士冠禮注

綦屨係也所以拘止履也

儀禮士喪禮注

跣奇也履舄之一也

太平御覽六百九十七引風俗通義

屣草履

文選北山移文注引孟子劉氏注

可蹠者也

孟子盡心注

釋宮室

宮之言中也

廣韻一東引
白虎通義

堂之為言明也所以明禮義也

廣韻十一庚
引白虎通義

東廂東夾之前相翔待事之處

儀禮覲
禮記注

東南隅謂之突

舍人本
爾雅

東南萬物生蟄蟲畢出無不由

戶突

太平御覽一百八十
八引爾雅舍人注

門側之堂謂之塾

爾雅
釋宮

所以必有塾何欲以飾門因取

其名明臣下當見於君必熟思其事也

毛詩絲衣正義
引白虎通義

東西牆謂之序

爾雅
釋宮

序殿東西堂序尊卑處

太平御覽
一百八十

五引爾雅

舍人注

清廟

毛詩清廟

肅然清淨謂之清廟

毛詩靈臺正義引

闔謂之扉

爾雅釋宮

闔合也

一切經音義十

祭門內祭先祖所以徬徨

說文解字示部

謂之祊者于廟門之

旁因名焉

禮記禮器注

祧遷主所藏之廟

周禮小宗伯注

祧之言超也超上去意也

禮記

祭法

將祧而去之故曰祧

太平御覽五百二十九引五經異義

壇之言坦也坦明貌也

禮記祭法注

壇謂委土為壇墠所以祭也

周禮人注

闕宮毛詩闕宮闕閉也常閉而無事傳一曰禘宮也毛詩闕宮傳引

孟仲子論

滌宮名養帝牲之處謂之滌者取其蕩滌潔清公羊宣二年傳

澤澤宮也習射選士之處周禮司弓矢注天子將祭必先習射

於澤澤者所以擇士也禮記射義

傾宮宮滿一頃淮南子地形注

璇室以璇玉文飾其室呂覽過施注璇或作旋言室機師可

轉旋也淮南子本經注

瑤臺淮南子瑤石之似玉以飾臺或作搖言臺可搖動

極土木之巧也注

闕門闕也呂覽仲冬紀注闕者上有所失下得書之于闕所以

求論譽於人故謂之闕水經注十六引穎氏說魏闕王者門外闕

巍巍高大故曰魏闕淮南子一曰闕疑也禮記禮運正義引自虎通

義

闕特立之戶上圓下方有似於圭說文解字門部

宮中街謂之壺爾雅釋宮壺廣也毛詩既醉傳壺之言捆也箋

庖廚也公羊桓四年傳注庖之言苞也裹肉曰苞苴周禮天官序官庖人

注

阼階

儀禮士冠禮

阼猶酢也東階所以答酢賓客也

注

辟廡者築土壅水之外圓如璧四方來觀者均也

毛詩泮水

箋 辟取辟有德廡取其廡和也

毛詩靈臺正義引辟明五經異義韓詩說

也廡和也所以明和天下也

禮記王制注

一曰辟者璧也象

璧圓以法天也雍者擁之以水象教化流行也辟之為

言積也積天下之道德雍之為言壅也壅天下之殘賊

白虎通

義辟雍

泮宮半於天子宫也明尊卑有差所化少也

白虎通類義辟雍類

之言半也通典五十三引五經通義諸侯不得觀四方故缺東以南

半天子之學故曰泮宮藝文類聚三十一引五經通義一曰類之言班

也所以班政教也禮記王制注

庠養也所以養僑德也通典五十三引孝經魏文侯傳一曰庠之言詳

也於以考禮詳事也禮記明堂位注

序次序王事也禮記明堂位注一曰序長幼也白虎通義辟雍

校者教也孟子滕文公鄭國謂學為校言可以校正道藝毛詩

子衿箋

東膠禮記王制膠之言糾也注

明堂者天子布政之宮藝文類聚三十八引孝經援神契天稱明故命

曰明堂藝文類聚三十一引桓氏新論一曰明天氣統萬物也藝文類聚三十

八引蔡氏月令論

總章西向堂西方總成萬物而章明之故曰總章淮南子時

則注

中方外園通達四出各有左右房謂之个个猶隔也呂覽

孟春紀注

城者所以自守墨子七患城之為言成華嚴經音義上引風俗通義

郭缺也古者城闕其南方謂之郭說文解字郭部

寺官舍一切經音義十四引三蒼寺司也廷之有法度者也一切經音義十

四引風俗通義今尚書御史謁者所止皆曰寺文選吳都賦注引風俗通義

百官所居曰府周禮太宰注府聚也公卿牧守道德之所聚

也廣韻九麋引風俗通義

廷正也言縣廷郡廷朝廷皆取平均正直也後漢書郭泰傳注引

風俗通義

朝廷曰獄毛詩小宛釋文引韓詩獄者塙也囚證於塙核之處毛詩

行露正義引塙相質殼爭訟者也毛詩行露釋文引盧氏說

夏曰夏臺言不害人若游觀之臺太平御覽六百四十三引風俗通義

殷曰羨里言不害人若於閭里上同

周曰囹圄囹令也圄與也言令人幽閉思行改惡為善

因原之也上同

亭畱也

續漢書百官志注引風俗通義

一曰定也

文選謝靈運初去郡詩注引蒼頡篇

民

所安定也

說文解字高部

又平也

太平御覽一百九十四引風俗通義

漢改郵為置置者度其遠近之閒置之也

後漢書郭泰傳注引風俗

通義

傳舍案諸侯及使者有傳信乃得舍于傳耳

文選范雲贈張徐州

詩注引風俗通義

勑里宰治處也若今街彈之室於此合耦使相佐助因

放而為名

周禮里宰注

勑讀為助謂相佐助也

周禮里宰注引杜子春注

市恃也養贍老少恃以不匱也

毛詩東門之枌正義引風俗通義

因井

為市故曰市井

毛詩東門之枌正義引白虎通義

門聞也

說文解字門部

臯門

毛詩

王之郭門曰臯門

傳

臯之言高也

禮記明堂位注

棘門以戟為門

周禮掌舍注引鄭司農注

衡門

毛詩

衡門橫木為門

傳

衡古文橫

周禮玉人注

畿門內

毛詩谷風傳

畿期也

毛詩楚茨傳

凌冰室

周禮凌人注

凌冰凜也

爾雅釋言釋文引爾雅樊氏注

藩籬落

周易大壯釋文引周易馬君注

藩蔽也

楚詞七諫注

樊圃謂之園

周禮載師注

園援也

太平御覽八百二十四引風俗通義

圃博也有博大茂草也

文選東都賦注引韓詩章句

又補也

太平御覽八百

二十四引

風俗通義

菹蘊也薪蒸所蘊積也

初學記二十四引風俗通義

囿者畜魚鼈之處囿猶有也

太平御覽一百九十六引風俗通義

井法也節也言法制居人令節其飲食無窮竭也

初學記七

引風俗

通義

房所以閉藏也

呂覽仲冬紀注

倉穀藏也倉黃取而臧之故謂之倉

說文解字倉部

厠次也

一切經音義廿五引蒼頡篇

釋牀帳

席籍也

說文解字巾部

鋪陳曰筵籍之曰席

周禮春官序官司几筵注

柏席迫地之席或曰載黍稷之席

周禮司几筵注引鄭司農注

變几變更其質謂有飾也

同上

仍几仍因也因其質謂無飾也

同上

同几

禮記祭統

同之言詞也

注

次席桃枝席有次列成文周禮司几筵注

昨席謂祭祀及王受酢之席同上

尸之牀曰夷牀夷之言尸也周禮春官序官司几筵注

帳在上曰幕說文解字巾部幕覆也方言又暮也爾雅釋言

屏風釋名屏蔽也毛詩桑扈傳

釋書契

版邦國籍論語鄉黨集解引鄭君注以版為之周禮宮伯注版判也

說文解字片部

方策中庸方版也禮記中庸今時牘也周禮內史注引杜子春注

籍吏士名籍籍借也

史記文帝紀集解引應氏說

圭之言珪潔也

周禮匠人注

珽

禮記玉藻

亦笏也珽之言珽然無所屈也

注

珽玉六寸

禮記

相玉書玉藻注引

圭必有冒

周禮玉人疏引尚書大傳

珽之為言冒也上有所覆下有

所冒也

白虎通義瑞費

諸侯執圭朝天子天子執玉以冒之似

犁冠

說文解字玉部

琬圭

周禮玉人

琬猶園也

注

駟琮

周禮玉人

以組繫之因名焉

注

璽白玉螭虎紐

通典六十三引漢官儀

秦以前諸侯卿大夫皆曰

璽

華嚴經音義下引月令章句

自秦以來惟天子之印獨稱璽又以

玉羣臣莫敢用也

左傳襄二十九年正義引衛氏漢舊儀

璽施也信也

御覽六百八十二引漢官儀

同天子副璽

三國志虞翻傳注虞翻別傳引詁訓

同者大同天下

三國志虞翻傳

注引尚書馬君注

琥發兵瑞玉為虎文

說文解字玉韻

方中圓外曰璧

白虎通義瑞贊引禮

璧之為言積也

白虎通義瑞贊

半璧曰璜璜者橫也質尊之命也陽氣橫於黃泉故曰

璜璜之爲言光也陽光所及莫不動也同上

圓中牙外曰琮琮之爲言宗也象萬物之宗聚也同上

半圭曰璋說文解字玉部璋之爲言明也賞罰之道使臣之禮

當章明也南方之時萬物莫不章故謂之璋白虎通義瑞費

劑謂券書周禮司約注劑齊也爾雅釋言

著此竹帛謂之書新書道書者如也說文解字序

形聲相益謂之字字者言孳乳而浸多也同上

東分別簡之也从東从八八分別也說文解字東部

制書者帝者制度之命後漢書光武帝紀王者之言必注引胡氏漢制度

為法制也上獨斷

詔猶告也告教也上同

戒書戒敕刺史太守及三邊營官上同

諸侯言曰教文選篇題教教之為言倣也上行之下倣

之翻譯名義五引人倣倣之是曰教禮記申庸注

時王所制曰令文選陳琳檄豫州令者教也鹽鐵論所

以令人知事也管子七臣七主

文書下如律令言當履繩墨動不失律令也文選陳琳檄豫州文

注引風俗通義

釋典藝

三墳三禮禮為人防爾雅曰墳大防也書曰誰能典朕

三禮左傳昭十二年正義引
左傳延氏注張平子說

河圖洛書毛詩生民正義
引中候稷起河出綠圖北堂書鈔九十
六引隨巢子洛

出丹書淮南子
倣真太平嘉瑞圖書之出必龜龍銜負焉黃

帝堯舜周公是其證也毛詩文王正
義引六藝論

易一名而含三義易也變易也不易也易者其德也光

明四通簡易立節不煩不擾澹泊不失此其易也變易

者其氣也天地不變不能通氣五行迭終四時更廢君

臣取象變節相移此其變易也不易者其位也天在上

地在下君南面臣北面父坐子伏此其不易也

易乾鑿度

連山似山出內氣也

周禮太卜注

象山之出雲連連不絕

周易

正義論三代易名引鄭君易贊易論

歸藏者萬物莫不歸藏於其中

同上

周易言易道周普無所不備

同上

一曰因代以題周

周易正義

論三代易名引易緯

卦者挂也言懸挂物象以示於人故謂之卦

周易乾正義引易緯

爻也者效天下之動者也

易繫辭

爻交也象易六爻頭交

也說文解字爻部

象也者像也易繫辭

繇抽也所以抽出吉凶之情也史記文帝紀索隱引荀氏說

詩者絃歌諷喻之聲詩譜序正義引六藝論所以言人之志意也

詩譜序正義引尚書鄭君注詩者持也詩譜序正義引詩含神霧詩之言承也禮記

內則注

風風也教也風以動之教以化之上以風化下下以風

刺上言之者無罪聞之者足以戒故曰風詩關雎序

賦之言鋪直鋪陳今之政教善惡周禮大

頌之言誦也容也誦今之德廣以美之周禮太師注頌之言

容天子之德光被四表格于上下無不覆燾無不持載

此之謂容詩周頌譜

尚書釋名原文上古有虞氏之書故曰尚書尚書序正義引尚書馬君注

尚者上也尊而重之若天書然尚書序正義引尚書鄭君注孔子乃

尊而命之曰尚書尚書序正義引鄭君書贊書者如也加尚以尊之

尚書序正義引書璿璣玲又舒也著也古微書二十八引孝經援神契

春秋釋名原文春為陽中萬物以生秋為陰中萬物以成故

曰春秋公羊傳經傳解詁隱公第一疏引劉氏三統歷

論語釋名原文論之言倫也毛詩靈臺箋

國策戰國時游士輔所用之國為之策謀為戰國策國

劉氏序

越絕書越者國之氏也絕者絕也絕惡反之於善貴其

內能自約外能絕人也越絕書外傳本事

風俗通義言通於流俗之過謬而事該之於義理也俗風

通義序

說者說其形勢也毛詩定之方中釋文引鄭志

述者述其故事也同上

銘者自名也自名以稱揚其先祖之美而明著之後世

者也

禮記祭統

諡之言列陳列所行

通典一百四引五經通義

諡之為言引也引烈

行之迹也

白虎通義諡

釋用器

鈇斧也

後漢書獻帝紀注引蒼頡篇

斧之為言捕也

太平御覽七百六十三引春秋

元命包

錐銳也

說文解字金部

鑿鑿也从金从斬斬亦聲

同上

椎擊也齊謂之終葵

說文解字木部

斛突也一曰利也古田器也

說文解字斗部

燕之東北朝鮮冽

水之間謂之斛江淮南楚之間謂之雷

五方言

樞斫也齊謂之鉉鉉一曰斤柄性自由曲者

說文解字木部

樞薶器也

同上

鈇可以持冶器鑄鎔者若挾持

說文解字金部

鉗以鐵有所劫束也

同上

剗剗曲刀也

說文解字刀部

桔手械所以告天桎足械所以質地

周禮掌囚釋文引說文解字

械戒也所以警戒使為善也桎實也言其下垂至地然

後肯吐情實

太平御覽六百四十四引風俗通義

胡餅家用簇簇刺也

一切經音義十卷引樊氏廣蒼

算蔽也所以蔽甑底也

說文解字竹部

釋樂器

鍾之為言動也陰氣用事萬物動成

白虎通義禮樂

鍾秋分之

音物種成

說文解字金部

鍾小者謂之棧

爾雅釋樂

棧淺也

爾雅釋樂釋文引爾雅李氏注

鏞如鍾而大

儀禮大射儀注

君臣有節度則萬物昌無節度則

萬物亡亡與昌正相迫故謂之鋪

白虎通義禮樂

鋪西方之樂庸功也西方物熟有成功亦謂之頌頌亦

是頌其成也

周禮大司樂疏引尚書鄭君注

大磬謂之馨

爾雅釋樂

大磬聲清燥故曰馨馨燥也

爾雅釋樂釋文

引爾雅李氏注

笙磬

周禮

磬在東方曰笙笙生也

注

東為陽中萬物以

生儀禮大射儀注

鼓春分之音萬物郭皮甲而出故謂之鼓

說文解字鼓部

棘小鼓也先擊小鼓乃擊大鼓小鼓為大鼓先引故曰

棘棘讀為導引之引周禮太師注

鼓小者謂之應爾雅小者音聲相承故曰應應承也爾雅

釋樂釋文引
爾雅李氏注

鞞者震之氣也上應昴星以通王道故謂之鞞白虎通

鞞遼也說文解
字革部

琴之言禁也君子守正以自禁也文選長門賦注所以

禁止淫邪正人心也白虎通文下曰濱濱賓也言其服

也蔡氏琴古者聖賢玩琴以養心窮則獨善其身而不

失其操故謂之操達則兼善天下無不達暢故謂之暢

意林三引 桓氏新論 一曰和樂作者其曲曰暢言其道暢美也憂

愁作者其曲曰操言心失其操也 藝文類聚四十四引風俗通義

瑟嗇也閑也所以懲忿窒欲正人之德也 白虎通義禮樂一曰

瑟潔也使人精潔於心淳一於行 北堂書鈔一百九引世本 瑟一也

正人一德也 北堂書鈔一百九引白虎通義

越瑟下孔所以發越其聲也 儀禮鄉射禮注

箏五絃之樂从竹珣珣持之也 說文解字竹部

坎侯 藝文類聚四十四引司馬長卿凡將篇 武帝令樂人侯調依琴作坎

坎之樂言其坎坎應節奏也侯以姓冠章爾亦名室侯

取其空中風俗通義聲音

簫者戮也簫者以祿為本言承天繼物為民本人力加

地道化然後萬物戮也故謂之簫白虎通義禮樂

大箎謂之沂爾雅釋樂大箎其聲悲沂鏘然也太平御覽五百八十八引爾

雅舍人注

大笙謂之巢爾雅釋樂音聲眾而高也太平御覽五百八十八引爾雅舍人注

笙小者謂之和爾雅釋樂小者音相和也太平御覽五百八十八引爾雅舍人注

注

匏之為言施也牙也在十二月萬物始施而牙白虎通義禮樂

管如箴爾雅釋樂郭氏注十二月之音也物貫地而牙

故謂之管風俗通義聲音

大管謂之箛爾雅釋樂大管聲高大故曰箛箛者高也太平御覽

五百八十引爾雅舍人注

管中者謂之篴爾雅釋樂中者聲相密故曰篴篴密也太平御覽

五百八十引爾雅舍人注

管小者謂之篴爾雅釋樂小者聲音清妙也太平御覽五百八十引爾雅舍人注

注人

壘之為言薰也陽氣於黃泉之下薰蒸而萌白虎通義禮樂

相拊也所以輔相於樂奏樂之時先擊相

太平御覽五百八十四引

風俗通義

菰吹鞭也菰者憊也言其節憊威儀

風俗通義聲音引漢書舊注

荻簞也言其聲音荻荻名自定也

同上

笛者滌也所以蕩滌邪穢納之於雅正也

風俗通義聲音

柷所以止音為節

說文解字木部

擊柷之椎名為止

尚書益稷正義引叔孫氏漢禮器制度

所以止樂

毛詩有瞽

正義引尚書鄭君注

音者飲也言其剛柔清濁和而相飲也

白虎通義禮樂

禮祝曰臯臯告之也

說文解字

臯之言號

周禮樂師注

釋兵

弓以近窮遠

說文解字弓部

弧木弓

周禮斡人注

弧之為言豫也豫者豫吾意也

說苑修文一

曰往體寡來體多曰弧

說文解字弓部

桃弧

左氏昭四年傳

桃所以逃凶也

左傳昭四年正義引左傳服氏注

桃之為

言亡也

韓詩外傳十

弗矢弗之言刺也可以弋飛鳥刺羅之也

周禮矢弓矢注

鏃矢鏃之言候也可以司候射敵之近者

同上

猴矢猴猶候也候物而射之矢也

儀禮既夕記注

痺矢痺之言倫比

周禮司弓矢注

族矢鋒也束之族族也

說文解字从部

鞮之言沓所以彊沓手指

毛詩芄蘭箋

捍謂拾也言可以捍絃也

禮記內則注

偃猶幅也所以承筈齊矢者

儀禮鄉射禮注

藩盾可以藩衛者

周禮司戈盾注

干扞也

爾雅釋言

能為人扞難而不使害人故聖王貴之

公羊

宣八年傳

會矛會之言適也

周禮廬人注

屬鏤長劔標施鹿盧鋒曳地屬錄而行之也

淮南子汜論注

合甲削革裏肉但取其表合以為甲

周禮廬人注引鄭司農注

五兵戈及戟會矛夷矛

周禮司農注引鄭司農注

兵防也防亂之萌

淮南子兵略注

天子卒曰虎賁

史記晉世家集解引左傳賈君注

言如虎之奔也

後漢書孔

融傳注引蔡氏漢官典職

羽林象天有羽林星為國之羽翼如林之盛也一名巖

郎言其禦侮巖除之下或謂巖厲素慤

北堂書鈔六十引漢舊儀

侯謂所射布也

儀禮大射儀注

十尺曰侯

毛詩賓之初筵正謂義引周禮馬君注

之侯者天子中之則能服諸侯諸侯以下中之則得為

諸侯

周禮司裘注

諸侯射麋

白虎通義鄉射引禮含文嘉

示遠迷惑人也麋之言迷也

白虎通義鄉射

繼旒曰旃

爾雅釋天

旃者旃然垂也

說文解字於部

旌所以精進士卒

說文解字於部

旌表也取其幪幪

一切經音義十三引

國語賈君注

有鈴曰旂

續漢書輿服志注引禮記盧氏注

以令眾也

說文解字於部

麾旌旗所以指麾也

說文解字手部

旃旗曲柄也所以旃表士眾

說文解字支部

綉蒔旃名

史記衛世家集解引左傳鄭司農章句

綉赤繒也从茜染故謂

之綉

說文解字糸部

旒旌旗之垂者

毛詩長發箋

旌旗之流隨風動搖也

漢書五行志注

引應氏注

釋車

路者大也道也正也君至尊制度大所以行道德之正

也藝文類聚七十
一引風俗通義

齊車金路王自整齊之車也

周禮齊右注

道車象路也王行道德之車

周禮道右注

萃車萃屏也對敵自蔽隱之車也

周禮車僕注

闕車所用補闕之車也

同上

驅逆之車

周禮大司馬

驅驅出禽獸使趨田者也逆逆要不

得令走

注

輓車屯守之車

左傳宣十二年正義引左傳服氏注

巢車

左氏宣十二年傳

輓兵高車加巢以望敵也

說文解字車部

衝車大鐵著其轅端馬被甲車被兵所以衝于敵城也

淮南子
覽冥注

鹿車窄小裁容一鹿也太平御覽七百七十五引風俗通義

蜃車柩路也柩路載柳四輪追地而行有似于蜃因取

名焉周禮遂師注

駟反推車令有所付也說文解字車部

輶謂車與輪立者也立者為輶周禮輿人注輶者以其引鄭司農注

鄉人為名周禮輿人注

莛車蔽周易既濟釋文莛之言蔽也毛詩采芑箋

輶車下伏兔也今人謂之車屐形如伏兔以繩縛於軸

因名縛也

左傳僖十五年正義引子夏易傳

竹前謂之禦

爾雅釋器

竹前謂編竹當車前以擁蔽名之曰

禦禦止也

毛詩載驅正義引爾雅李氏注

車有籓曰軒

左傳閔二年正義引左傳服氏注

皮軒以虎皮為軒

續漢書輿

服志注引漢官解詁

文軒文錯之軒

國策宋策注

五檠

毛詩小戎

五五束也檠歷錄也一冊五束束有歷錄

傳

軫輿後橫木

周禮考工記注

軫轉也

一切經音義十七引淮南子許君注

車一兩謂兩兩相與為體也原其所以言兩者箱轅及

輪兩兩而耦故稱兩耳

藝文類聚七十引風俗通義

釋船

維舟

爾雅釋水

中央左右相維持者曰維舟

毛詩文王正義引爾雅李氏注

方舟

爾雅釋水

併兩船曰方舟

毛詩文王正義引爾雅李氏注

方併船也

說文

解字

航

淮南子說文解字

方竝也

淮南子汜論注

方兩小船竝與共濟為

航

淮南子主術注

龍舟大舟也刻為龍文

淮南子本經注

鷁首

淮南子本經

鷁大鳥畫其象著船頭故曰鷁首

注

桂舟

楚詞九歌

桂木之船

注

紼繹也

爾雅釋水

繹竹為索所以維持舟者

爾雅釋水疏引爾雅李氏注

釋疾病

盲目無眸子

說文解字目部

盲冥也

呂覽音初注

又冥也

呂覽明理注

瘠首疾

周禮疾醫

瘠酸削也疾首頭痛也

注

痛半枯也

說文解字疒部

謂偏枯

呂覽別類注

痲中寒腫覈

說文解字疒部

痲俛病也

同上

痲久病也

同上

痲彊急也

同上

瘡寒熱休作从疒从虐上同

瘡贅也說文解字互部瘡謂絕氣之悶呂覽論威注

胗脣瘍說文解字同部胗腫也一切經音義六引三蒼

腫足為腫爾雅釋訓瘡脛氣足腫說文解字疒部

殞漏也謂決潰癰瘡也一切經音義十引說文解字

棘急也藥藥瘡也毛詩棘人傳棘羸瘡也詩云棘人之藥藥

言羸瘡也呂覽任地注

疒倚也人有疾病象倚著之形說文解字疒部

釋喪制

死人所離也

說文解字死部

士曰不祿

釋名原文

不祿無祿也

公羊隱三年傳注

不終其祿

禮記曲禮

注

祿之言消也身消名彰

白虎通義崩薨

大夫曰卒

釋名原文

卒終也

禮記曲禮注

精耀終也

通典八十三引春秋說題

辭

諸侯曰薨

釋名原文

薨之言奄也奄然亡也

白虎通義崩薨

君死未

葬曰不祿既葬曰薨

通典八十三引石渠禮議

天子曰崩

釋名原文

崩之為言愰然僵天下也

通典八十三引白虎通義

囚道也言辭窮情得得以罪誅道也

初學記二十引風俗通義

有罪既刑陳其尸曰肆論語憲問集解引鄭君注肆謂暴尸也禮記

膊謂去衣磔之周禮掌膊暴也方言

下殺上曰弑釋名弑者試也欲言臣子殺其君父不敢

卒候閒司事可稍稍試之白虎通義誅伐

凡自虐其君曰弑自外曰戕左氏宣十一年傳戕殘也毛詩十

又傷也周易豐釋文引周易鄭君注

老死曰壽釋名壽之為言猶儺也春秋繁露循天之道

父死曰考母死曰妣釋名妣之言媿也媿於考也禮記

注

夫死曰辟

禮記曲禮

辟法也妻所取法也

注

既定死曰尸

釋名原文

尸之為言陳也失氣亡神形體獨存

白虎通

義崩薨

喪者亡也

白虎通義崩薨

棄亡之辭

鄭君儀禮目錄

乘馬曰贈

穀梁隱元年傳

贈之言覆也

北堂書鈔九十二引春秋說題辭

一曰

贈之言赴也所以相赴佐也

一切經音義十引白虎通義

賻之言補也助也貨財曰賻

儀禮既夕注

賻補之補助其不

足也

周禮小行人注引鄭司農注

襚之言遺也衣被曰襚儀禮士喪禮注

贈之為言稱也玩好曰贈白虎通義崩薨

棺之為言完所以藏尸令完全也同上

柩之為言久也不復變也同上

槨所以開廓辟土無令迫棺也同上

塗曰攢釋名攢猶敢也禮記喪大紀注

葬小兒必於道邊者傷其人道未成故置於道側使視

成人之道也北堂書鈔九十引風俗通義

銘神明之旌禮記檀弓注書死者名於旌也周禮小祝注引鄭司農注

主夏后氏以松松者所以自竦動殷人以柏柏者所以

自迫促周人以栗栗者所以自戰慄

禮記曲禮正義引白虎通義

虞主用桑

公羊文二年傳

桑猶喪也

注

為父苴杖苴杖竹也

禮記問喪

竹者蹙也

白虎通義喪服

為母削杖削杖桐也

禮記問喪

桐者痛也

白虎通義喪服

廡裘廡與也謂象似而作之

周禮司裘注

鱗施施玉於死者之體如魚鱗也

呂覽節喪注

祖謂將葬祖於庭象生時出則祖也

周禮喪祝注引鄭司農注

祭之為言際也

春秋繁露祭義

祭之為言察也察者至也至者

人事也人事至然後祭祭者薦也薦之為言在也在也

者在其道也太平御覽五百二十四引尚書大傳祭者薦其時也薦其敬

也薦其義也穀梁成一十七年一曰祭之為言索也索也者盡也

孝子所以自盡于親也說苑權謀

饗者鄉也鄉之然後能饗焉禮記祭義

春祭曰祠品物少多文辭也說文解字示部祠猶食也猶繼嗣

也春物始生孝子思親繼嗣而食之故曰祠公羊桓八年傳注

祠者以正月始食非也春秋繁露四祭始生故曰祠善其司也

春秋繁露祭義

夏曰禘禮記王制禘者諦也諦其德而差優劣也說苑又遞

也審諦昭穆遷主遞位禮記王制正義又帝也事尊明

帝故曰禘舊唐書禮儀志引禮記盧氏注周公制禮改夏為禴毛詩天

引鄭君魯禮禘祫志夏約故曰禴春秋繁露祭義一曰麥初

熟可沟故曰禴公羊桓八年傳注

秋祭曰嘗爾雅釋天新穀熟嘗之太平御覽五百二十六引白虎通義

冬祭曰蒸爾雅釋天烝之為言烝也冬之物成者烝太平御覽五百二十六引

白虎通義

豕封土為丘壠象豕而為之周禮春官序官豕人注豕者種也種

墓也羅倚於山分卑尊之名者也

水經注十九引春秋說題辭

冢自關而東謂之丘

方言十三

丘虛也


楚詞哀郢注

廣釋名卷二

廣釋名跋

右廣釋名二卷。國朝張金吾撰。按金吾字慎旃。別字月霄。昭文人。其師黃琴六撰傳。稱月霄性穎敏。喜博覽。幼從其季父海鵬。字若雲者。按刻太平御覽。墨海金壺等書。鈎稽審覈。年二十二。補博士弟子員。省試一不售。卽棄去。慕鄉先輩汲古毛氏。述古錢氏遺墨。篤志儲藏。購訪古籍。欲以著述名當世。論撰等身。有詒經堂續經解一千六百卷。通志堂經解補闕。輯尙書義粹。十七史經說。兩漢五經博士考。白虎通註。金文最一百二十卷。兩京新記補遺。鄴中記補遺。切韻指掌圖音釋。雙聲表。輯風俗通姓氏篇。絲緝積聞。釋龜等。及是書。余僅購得金文最寫本。及是書刊本。金文最。擬卽付剞劂。是書則據月霄所撰。言舊錄稱刊行三載。鮑志祖士恭見之。許梓入知不足齋叢書。備漢學之一種。乃覆加勘定。補所未備。梓入第三十集。茲亦梓入粵雅堂叢書三編。以冀廣爲流布焉。夫訓詁原於聲音。自易論語禮記。已有其例。如乾健也。坤順也。政者正也。刑者例也。之類。至劉熙釋名。大暢厥旨。乃古書簡貴。援據未詳。近賢於說文廣雅兩書。論撰箋註頗多。而釋名則疏證者僅見江氏良庭一書。實共嫌其寡約。似未完之帙。月霄獨撰是書。博引繁徵。詳審精核。洵訓詁之津梁。而小學之淵藪也。不朽盛業。可例其餘。又言舊錄稱有趙味辛懷玉序。而是書未見。其偶佚之歟。月霄藏書最多。嘗取所蓄宋元槧本。及新舊鈔存。世所罕覩者。撰愛日精廬藏書志四十卷。乃甫輟筆。而所撰與儲藏俱爲族子攘去。黃琴六撰傳。謂爲造物所忌。豈其然乎。月霄季父若雲。

儲藏亦富。業早散失。乃嘗校太平御覽暨所輯墨海金壺。夙推藝林鉅觀者。亦同付絳雲一炬。而月霄復遭此厄。豈造物真有不可知者耶。月霄嘗跋包氏說文補義云。聚散無常。世守難必。蓋不敢以世守勿替。期之子孫百世也。何意聚之二十年。散之一日夜。煙雲過眼。何若是之亟亟也。自來藏書家。厄於水火者。有之。蕩於兵戈者。有之。子孫不能守而狼籍於鼠穴蠹腹者。有之。從未有胠篋豪奪。且出於同宗子姪者。今也藏書盡散。而書目告成。不可謂非予之幸也。讀之良用憮然。月霄所撰。以詒經堂續經解。尤爲學者山淵。佚之良可痛惜。今者吳門疊遭兵燹。恐儲藏與纂撰。易主者均蕩然無存。余近刻叢書三編。亦間覓得愛日精廬藏本。俟綏定日。當購求審定。與墨海金壺內校勘最精之本。次第刊焉。嗟嗟。得喪盛衰。轉轍靡定。滄桑小閱。結習未忘。百感中來。掩卷太息。余書果足以千古。漏盡燈暗。蟲聲如雨。咸豐庚申秋中元夜。南海伍崇曜跋。



三十年三月廿六日

廣 著 店

編主五雲王

編初成集書叢

名 釋 廣

中華民國二十六年十二月初版

撰 者 張 金 吾

發 行 人 王 雲 五
長沙南正路

印 刷 所 商 務 印 書 館

發 行 所 商 務 印 書 館
各埠



2.59